

3139/4030.83

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
MAY 6 1936

萊州府志

萊州府志序

古者小史掌邦國之志外

史掌四方之志而志以名

迨扶風作輿地志汝陽著

風俗通於是郡邑徃之始

各自為志標一方之梗槩

馬此輜軒君子所資以致  
山川稽戶口驗人物高下  
政治得失而諗謠俗之真  
淫者也其所係顧不重哉  
萊故有志勦脩於明太守  
胡公越七十年太守龍公

繼脩之又百餘年我

朝海寧陳公為守復增輯之  
時為康熙壬辰距今又三  
十年矣其間因革損益文  
物典章宜見於志者莫可  
殫述及今纂集勢猶差易

倘任其放佚廢墜異日者  
網羅於簡編殘闕之餘訛  
謬相承魯魚莫辨其孰從  
而徵信之余是以不揆弁  
鄙汲汲焉有事茲役也願  
從來脩志者必選地設局

徵請里中宿儒或別郡名  
流搃不律而從事當是時  
非不赫然稱盛舉然而夤  
緣請託瞻徇愛憎徃徃書  
一出而謠詠隨之求其文  
直事核卓然可傳信者恒

不數覲焉余蓋有鑒於此  
不開局不延友惟與同里  
趙君徵文考獻互相商榷  
趙君名聲武余外弟端雅  
君子也用屬以編摩之任  
而決擇去取則惟內斷一

心舊志之精當者仍之靡  
襍者汰之正其訛補其闕  
凡星野災祥山川里社丁  
賦學校祀典兵防以及政  
教人文之類靡間鉅細無  
不攷核增訂讐校再三而

於忠孝節烈之事尤兢兢  
乎三致意焉庶幾一方之  
梗槩瞭如指掌或足備輶  
軒之採矣乎第余自癸丑  
涖萊雖復歷有年所而聞  
見難周蒐羅未盡質之此


邦人士未必無不醇不備  
之譏顧惟矢公矢慎矯積  
弊而空之事玉乎換文主  
乎直此則區區之心差堪  
自信者爾是書草創於戊  
午首春尋以遷秩巡行郡

縣僕僕車塵馬足間至已  
未春仲始克告成會皖中  
張君繼余守萊余與君有  
通門之好雅知其通經術  
而嫻習吏治暇日示以此  
書謂可傳信力請付梓余

喜其有同志而能相與有  
成也爰屬為更定而授之  
賜進士出身中憲大夫分守  
登萊青整飭海防道副使  
前萊州府知府常熟嚴有  
禧撰

蘇頌

蘇頌



蘇頌

蘇頌

蘇頌

蘇頌

蘇頌

新修萊州府志序

郡邑之有志尚矣古者公侯之地不

過百里又有卿三人大夫五人士二

十七人相與翊贊其治不勞而成後

世一縣之地大者百餘里令丞簿尉

才三數人加以遷徙易置不常厥居

始至其地貿然不知東西若非按圖

經攷記傳奚以知其山川疆理亭障



斥堠之險易膠庠廨舍壇壝禱祀之  
地賦役兵甲之數田農水利之所宜  
與夫剛柔燥溼貞淫習俗之變而施  
其教由是言之志之所繫豈不重哉  
我

國家

列聖相承重熙累洽疆域之盛度越前古  
世宗憲皇帝垂念郡邑之治遠近劇易猶有

未得其宜者於是酌繁簡正封域增  
置守令務合厥中又命各省纂修進  
志彙爲成書藏於冊府今  
皇上御極以來加惠元元擢賢良慎守牧  
頒經史修三禮其於阜民成俗之事  
尤致意焉萊之爲郡在東海之隅先  
是

憲副虞山嚴公實守是邦

公爲人中正敏果仁而愛人其爲政首  
在肅綱紀貞百度威行加之以恩奸  
宄屏服民用大和

天子嘉之晉秩憲副而余以庸虛適承

公後暇日

公謂余曰萊有志繁冗無當欲修之久  
矣以郡多務未暇今幸得少閒吾爲  
若定之何如於是刪其繁蕪補其罅

漏不數月而志成余受而讀之喟然  
歎曰人之志量相越豈不遠哉晚近  
士夫以遷轉易置之不常類多傳舍  
其官其爲治也急簿書而已於他百  
務顧未暇以舉暇矣而意所不屬亦  
未有毅然成之者

公在郡五六年旣已百廢具興而猶拳  
拳於一志之未成必踐其言於旣去

之後於以見

公之才與志為何如而豈世之所易及

歟後之守是邦者讀是書觀其山川

民物鉅細具陳何異世守其官而習

其事於以施其政教協和吏民以欽


承

天子之德意是亦

公之志也夫爰拜手而為之序

乾隆五年歲次庚申季春月中憲大

夫山東萊州府知府桐城張桐譔



舊志序例

東萊爲山左僻郡而北臨滄海有萬壑朝宗之勝又高望掖  
河諸山水環拱於西南故鍾靈毓秀與諸郡無少異志之不  
可缺也所繫綦重矣自明萬歷三十一年太守龍公修後迄  
今百有餘年天運之否泰陵谷之變遷人事之盛衰得失茫  
無可考卽前志鋟板或殘缺失次其存者又多磨滅不可復  
辨不及今編輯後之人不致慨於文獻之無徵耶余承之以  
來其始固不敢以末學陋識妄膺紀載之任旣復自思幸世  
際休隆河清海晏

聖天子加意右文車書一統之盛罔不載表微彰隱之典無不

舉則博考典制蒐羅遺軼以備一郡之掌故固守土之責也  
是以不揣固陋或尋諸斷碣殘碑或採諸前達文集或索古  
蹟於名山或咨軼事於耆舊自辛卯夏檄下州縣廣求文獻  
數月間草藁畧備復祇承大中丞蔣公之命以爲陳立綱紀  
考稽禮樂修舉廢墜尤當表彰忠孝節義以爲正人心風俗  
之本遂於案牘之暇殫心斯志迨今秋遷秩謝事後復留數  
月詳愼參酌稿經屢易有仍前志之舊者有一二損益釐定  
者有續前志所未載者皆網羅舊聞折衷經史事必究其原  
委地必詳其始末人必核其初終綱分十二曰方輿曰建置  
曰賦役曰學校曰兵防曰封建曰職官曰名宦曰選舉曰人

物曰藝文曰聞見方輿之目九建置之目十二賦役之目八  
學校之目七兵防之目六封建之目二職官之目一名宦之  
目二選舉之目八人物之目十二藝文之目四聞見之目四  
爲卷凡十有二就正觀察甘公加以裁定有相得益彰之美  
而搜羅纂輯則闕里孔東塘北海劉滄嵐兩先生之力居多  
自夏迄冬經歷三時剗剗告竣余始於歲杪言歸自慚茲舉  
之急就勿克久留較訂以免踈陋之譏也竊猶幸大略之不  
湮沒以待後之筆削或可諒余衷也抑余更有冀焉志中所  
載海濱廣斥潮水所至五穀不生歷時久而鹺地漸淡當思  
何以招徠而耕墾之聽訟不如無訟爲善彼習以相穉浸趨

於喬詰鷲鷲者何以啟牖而馴伏之古郡守表率一方若毛公之本詩教以達政楊公之清凜四知孔公之虛懷下士其芳踪不迄今可邈乎掖令宗公事業與日月爭光今日捧檄佩綬能追蹤其一二否也東萊人物錯見於二十一史代有英賢近世名公鉅卿山林隱逸且與史書所載先後輝映郡邑人士與後之蒞茲土者欲步武古人乎蓋於是志焉觀之康熙壬辰冬十月海寧陳謙序

一志乘因乎史傳史傳因乎三代之禮損之益之賴有文獻在若文獻不足雖聖人復起無從徵之矣萊志成於前萬曆之癸卯距今一百一十年中值鼎革頻罹兵燹所為故老遺

聞者湮沒已久今欲續而修之殆非冥搜擬撰可以補百年之缺畧必採輯屬邑諸志以彙於大成庶幾力省功倍之法也孰意附郭之掖縣先已無志他州縣雖有新志亦止詳於近代若鼎革舊事百不存一不得已就其存者存之而闕者亦聽其闕而已蓋本邑修志之時必與其鄉老里大夫極力搜羅以成盛舉尙不免有遺墜勢已無可如何今修府志欲督其更增焉必不得之數也但於掖縣之全無志者或考之簡籍或錄之碑版或訪之父老獲什一於千百勉爾卒事意良苦已

一舊志分八卷有目無綱而所謂目者又多參錯如封建職官乃在星野疆域之前是未有郡而先設官矣如

城池宮室與選舉人物相雜封贈將材與兵防屯田相雜忠義仙釋與古蹟墳墓相雜既不分門又不從類隨意編錄殊乖體裁今分爲十二綱每綱一卷綱舉目張各從其類庶便於檢閱矣 一屬縣諸志止高密昌邑二志有綱有目高密志十卷其中有祭儀一卷甚可取法惜列其目而畧其儀注至於古蹟景物祠廟陵墓祥異皆志之正文也而乃入雜稽門殊不可解若昌邑志八卷其首多天文一卷乃以祥異氣候實之似亦未確又以古蹟流寓陵墓仙釋寺觀入雜述門亦猶夫高密之見也今效其綱目而別分門類 一風俗物產他志不入方輿內古蹟寺觀他志不入建置內倉儲胥徒

鹽課海運他志不入賦役內然風俗出於里社物產隨其山川未嘗非方輿也古蹟本前人之規模寺觀亦異教之結構未嘗非建置也若倉儲海運固糧糈之正務胥徒鹽課乃庸調之大端未嘗非賦役也今皆附之 一志有祭儀尊聖禮神守土之重事也若無籍可稽但憑掾吏之指點儀既不倫物亦不備草率畢事隕越實多今俱依會典條例詳列節文以便遵行 一黌宮射圃未嘗非建置也舊志皆別立學校一門亦寓崇重儒術之意今俱仍之而又以學田禮器書院附其後 一兵防一志舊皆附於職官之末而所謂衛所等並不詳列未免挂漏况前代設立衛所皆有專城與州縣錯

置有民人有土地有社稷學校居然一邑也而乃置而不論  
 是遺朝廷之疆域矣今特為一志而凡係於兵防者附之  
 一分茅胙土國有大小之封綰綬分符位有尊卑之等皆王  
 朝之夾輔士民之具瞻也志封建載其土田之世守焉志職  
 官名宦表其功德之顯著焉既存懷古之思復示景行之則  
 一選舉人物雖分兩志實皆一郡之人材也天爵人爵各  
 有優長耳至於隱逸流寓方術仙釋既顯於當時傳於後世  
 必非恒流舊志別附卷末不今仍入人物志內而列女亦附焉  
 一古今賢宦已載祀典其生平事蹟各詳本傳仍遵舊志  
 一前者不書間有通志所載者附之 一歷代典謨訓

身事兩志

誥亦文章也特標王言冠藝文之首 一詩文諸類必取古  
 之名賢今之才士或處或寄或宦或遊或紀其時地或咏其  
 風物實有關於民之利弊有資於士之興感者乃選而錄之  
 不然舊志雖載亦在必刪 一時賢著作不登於碑版不見  
 於編集無從購借統俟後之續刻至題無與萊志者例不泛  
 載 一左圖右史以便檢閱也今依舊志東萊星野山川城  
 池各繪圖於首而其詳仍載各志之本條 一史書有表有  
 譜編年紀事縱橫列之亦便讀之法也今但於郡縣沿革用  
 之封建職官各詳於志不必表列 一志以表前賢發潛德  
 現今建牙握篆者遵奉



綸音不敢作卷衣大車之頌若郡邑名賢方當建樹之時勳業  
雖隆謹援往志生人不立傳之例未敢贊一詞也

前志考異

紀葛盧根牟通志入之萊郡沿革內今考春秋葛盧介君名  
紀在壽光根牟在安邱宣城伯祠永康侯祠通志入之萊  
郡祠廟內今考二祠俱在登州卓茂王密舊志入之萊郡  
宦蹟內今考漢書卓茂爲密令乃河南密縣王密爲昌邑令  
乃兗州金鄉縣漢時昌邑縣也鄧禹舊志入名宦內今考  
禹封高密侯非官萊也魏鸞淳于朗舊志入宦蹟內今考  
二人在萊無政績鄭道昭父子魏齊諸史謂相繼爲兗州  
刺史兗州南小山有道昭字刻述祖見之流涕今考道昭父  
子實相繼刺光州天柱山刻鄭父子銘而萊城南十五里高

望山巔道昭石刻宛然在焉。王真通志舊志皆入名宦今  
考真平妖賊宜入武功。管邴李劉諸人所居舊在萊屬今  
割屬青登矣不宜仍載。孫崧孫嵩孫賓碩通志舊志似三  
人皆入萊郡人物今考漢書孫崧卽孫嵩字賓碩安邱人。  
王烈通志舊志以爲北海人今考漢書太原人。劉休賓通  
志舊志皆入人物內今考南北諸史休賓先仕宋爲顯官後  
以妻子故降魏大節不足取故除之。北海王詳濰縣志以  
爲姓王名詳考魏史北海王名詳魏宗室也本拓跋氏。王  
景通志舊志皆入人物內今考景歷事四姓大節不足亦不  
宜取。童信王麟舊志皆入人物內今考二人俱遼東武弁

徐文通志舊志以爲南北朝人今考金史文先爲趙宋臣  
後降劉豫又仕金。崔世榮平度志以爲元人今考世榮爲  
定海判官定海軍金所置旋自金廢則世榮金人也。蔡相  
塚平度志未載考齊乘有之今俱爲改正。

前志序跋凡例

夫郡之有志蓋所用植教維風匪細典也吾萊固在海澨然  
提封千里冠蓋比跡祖宗二百餘年教化翔洽文物斌斌蔚  
起山以東稱名郡矣而志可少哉當歲辛丑今憲使龍公來  
守吾郡問志蓋嘉靖中郡守胡公創修迄今業七十年所靡  
有嗣其燉者而俗化推移一切幾於散失則慨然欲增修之  
顧其時海上多故方蒿目弗遑再閱歲旣殫精畢力庶役次  
第底績度其儲餘猶可爲志舉也廼開館局更新義例檄所  
部各採故實以屬不佞燿暨董大理公裁正焉不佞纔一受  
簡輒有先君大故而大理長才偉負方銳意著作不難獨力

肩之於是盡發羣書集諸生四五輩以資檢閱而躬自雘校  
間以疑質不佞龍公亦時時枉車騎問勞相抵掌揚扆今昔  
蓋匪直七十年間採掇靡遺絜自有志以來數百載緣習之  
誤咸一一釐正務可信可傳其用意亦勤矣自春徂冬八閱  
月而志成廼手以示不佞曰此其事在往牒而其義則基竊  
取者也亦足以備一郡之典稱龍公指乎不佞受而卒業穆  
然有當於心獨慨風會之流而莫之輓也竊於身先衆庶者  
有厚望焉議者或謂志以識事烏用有所譏評不佞以爲不  
然蓋郡之志猶國之史也史無媿刺焉用史爲故志旣識其  
事而於是非取舍之際尤必衡以大義未始緣情毀譽俾後

之覽者有所觀擇以不昧所從此史氏遺意亦維持風教之  
一機也胡庸廢哉龍公聞而善之謂不佞叨與始事因督爲  
之序命再至爲序如此若其損益將有後之君子不佞何敢  
知已郡人趙燿序

故志嘉靖乙未歲所修甚簡確蓋其時毛文簡公所訂正古  
道有存者然去今七十年七十年來萊事多堙沒不可考矣  
郡守吉州龍公奮然修之以屬趙中丞公謬以余佐焉中丞  
博雅端亮余忻忻謂奉匱沃盥可成一方鉅典矣顧無幾叅  
閱中丞公忽遭封翁之戚余以寡昧漫事掇拾雖時從中丞  
苦次奉窵肯乃中丞往往稱荒迷不欲大有斤削不佞亦僅

以伎倆所至成之大都體裁竊取別郡志善本事求其核不  
敢爲耳食故志所臚列人品稍正其訛者一秉於公論毫不  
敢私至夫文之鄙俚庶幾免於勝質矣萬曆癸卯臘月十日  
董基跋

不佞治萊無狀不能博赫赫名然每致慨於得失之林古今  
之際也河山無改頓爾有風景之殊國何藉二千石爲東萊  
於古亦八輔一大都會也先是吏茲土者與于大夫之生於  
鄉者賢哲之踵相望入齒爲芬非若荒邱之固陋而阻於景  
行也若乃上著物宜居然上游利病相禪廢興相待剛柔相  
濫可按局覆耳不佞始夾鹿來時問俗父老芥金懷伯記之

高鋤姦慕杜密之威撫柔嘉王成之風式遏追張敞之蹤撫  
康成之遺教則經術可興履平仲之故墟則爽塏增愧蓋不  
佞一行作守吏覺懷古之情更深間念前志草創比可料理  
於是禮謁都御史趙公大理董公二公者博雅君子也獨標  
新格掃故牘而更之得若干卷不佞敬在下風夫土俗具而  
窾卻陳事物并而袞斧轉苦心而裁之俾來者安坐而索之  
共尊典刑期各不詭先民而止不亦善乎又寧獨括琳宮之  
艷麗拾寶篆之英華使畸人挾爲勝場墨卿擢爲至致已哉  
或曰子之稱斯役也無乃名乎曰我惟不好名也而徵之實  
我而名也則塗飾足矣且是志之先子不見夫鬻名者乎百

年之間芳醜易位惟夫無以名爲者而乃以永名子謂我何  
求耶新志旣成會文明造拜新命奉璽書稱使者治兵海上  
戒行舉觴屬二公曰不佞之於東萊也鼠飲河而蚊負山櫛  
揀髮而炊數米今之責視昔倍肩鉅已昏且拮据以聽後之  
雖黃謂是老於萊者而几案間如是如是史氏又將操不律  
從事焉則不佞按志滋悚矣萬歷癸卯仲冬月七日吉州龍  
文明謹跋

一郡志創修遍考通志通考左傳國語國策一統志山海經  
水經注齊乘方輿勝覽天下名山勝蹟記二十一史管子晏  
子風俗通及近時 諸書並毛文簡公各州縣舊志參

以薦紳父老家言信信者則書而疑疑者則俟後之作者

一作志以司馬遷爲準故畧倣十表作沿革諸表倣八書作

一星野諸志倣列傳作名臣等傳又倣本紀作大事記紀古今

大事據事而書善惡自見在志傳後者一方之事不敢顯然

擬帝紀也卷末爲典籍藝文若卷端刻諸圖則欲開卷使千

里提封如對也 一名山大川凡經見者悉書而後以俗名


者皆改正 一郡有藩臬各道前後更置不一舊志所無今

入職官表傳內如古刺史節度使之例但曾駐本府者方入

一他處科目有原籍係郡人者俱查入 一墳墓但載古

墓及近代都御史以上者 一名臣悉採近代 諸書

惟卓然名世者入之下此入人物內俟後日公論 一列傳  
 所序諸賢必蓋棺論定郡人則生平無媿職官則功德不泯  
 者方入若見存於世卽一時聞人亦不敢私褒一語 一忠  
 義武功紀郡人附職官者以類從也 一武職舊志甚畧今  
 入兵防內叅遊守備俱載指揮以下惟載員數 一孝義節  
 烈無的據不書懼不公也必死乃書其行始完也 一山川  
 寺觀解宇祠院其碑碣詩文惟名筆古雅可傳者入之近時  
 蕪陋俱削不錄 一典籍但係萊人及遊宦於萊者所著所  
 刻中有可錄俱載 一文藝但涉於萊佳者俱載其有關世  
 道風土及可考興革可尋往蹟者卽文不雅馴亦錄不亦附



卷之二  
 星野圖

萊州府總圖



北至海

龍河  
紫胡  
寨

海廟

虎頭岸

馬灣寨

綠山

福山

府

灰埠驛

州

海倉巡司

團堤巡司

即墨縣

高密縣

百鎮巡司

州

濰縣

夏河寨

界

三山島

王徐寨

西場

萊州府

嶗山巡司

東至萊陽界

嶗山島巡司

浮山巡司

即墨縣

嶗山巡司

石河場

膠州

濰縣

南至



萊州府志

卷之四

西至昌樂界





萊州府城圖





平度州圖



平度州圖

西至昌邑界

五



平度州圖

東至萊陽界

五

昌邑縣圖

東至平度界



芙蓉池



西至濰縣界

王稱墩


濰水

至高密界


維縣圖



膠州圖



北至平度界



志州府志

卷之百一

譚曉舖


牛家庄舖

志州府志

卷之百一

七

高密縣圖




萊州府志


卷之百圖

西至安邱界

乙



即墨縣圖



北至平度界



萊州府志

卷之四

西至膠州界

東至萊陽界


福島

營島











北海




東海廟圖




東

西




大澤山圖



東

西



西

大澤山圖

卷之四

十五



北

勞山圖



東

凡例

一郡之有志也紀事纂言上供 國史採錄下備一方掌故  
專以信今傳後為主故參考羣書徵求文獻信則書疑則  
闕寧核毋濫寧樸毋華范蔚宗有言略存減益多認前聞  
是書之權輿也

一萊志經龍陳兩公相繼纂修龍志精嚴陳志詳博茲編據  
以損益折衷者也內凡徵引兩志處龍曰前陳曰舊以別  
之

一舊志分十二綱而以目繫之亦結構之一法第事有前後  
物有古今強以類從不免凌獵倒置之病茲直以目爲次

或分叙或合纂各有脈絡經緯於其中閱之井然

一山川內土阜支流沿近世俗名者皆削去膠萊河爲元人

海邇故道河跡久湮石礁林立故累朝議開不果然不可

不略存其槩以備稽考仍照前志附見於後

一賦役舊志太繁數目亦多舛錯今攷國初以來更定正

額及近年衛所分併細數俱按賦役全書核筭編之餘從

畧

一學校首載黌宮次列社學書院以類從也至射圃雖係古

制而遺趾湮沒無存不敢附會載入其餘建置廢興及舊

存今圯者皆註明全志倣此

一壇廟凡載在祀典者彙爲一冊餘列寺觀中至於先賢遺

祠或士民所瞻仰或後進所矜式有其舉之莫敢廢也故

條附於後若夫升降拜跪之文祝史主之且非萊郡所獨

故不復載

一衛所舊列兵防內今雍正十二年靈山衛裁隸膠州鰲山

衛雄崖所浮山所裁隸卽墨縣其因革原委詳大事記餘

散見各條

一武職舊志甚略無從追考惟查康熙壬辰以後副叅遊守

姓氏列兵防內餘載員數而已至營制及兵數新額俱炤

通志編入又海洋近分內外界址總叙一則附海汛後



一封建詳考史書惟食采受封於萊地者載之其餘附會者皆不書若子孫已分封他郡亦總叙世系不復疏列

一職官選舉凡有傳者旁註從畧舊本氏名籍貫訛漏處甚多今俱訂正其疑而無攷者仍闕之

一前志人物外別有名臣一目舊志則以勳業政績區其等差細按之均非精當不易今統以人物名之惟確可類見者仍次其目如舊有舊志雖載而實非萊產或人無足取者皆削之至如節烈之女志行可哀故自漢迄今皆採錄不遺以奉旌者居前餘以先節後烈爲次卽未故者亦久符者亦附誌一二以彰潛德

一言之無文行而不遠故藝文一帙雅馴者錄之冗濫者汰之或文不足取而事可傳則附見其畧若無與萊志者文雖工不錄今仍照兩志以王言居首疏表以下類輯之

一大事記事關國家而位置獨後者前志所謂一方之事不敢顯然擬帝紀耳其餘可喜可愕事不一類者皆雜志卷末

一傳以表微無論職官人物非論定之後例不立傳至時賢著作得見者甚少殊媿蒐羅未盡請俟後之載筆者



濰 縣 知 縣 毛韶芳

濰 縣 知 縣 賴光表

膠 州 知 縣 陳端

高 密 縣 知 縣 王文鼎

高 密 縣 知 縣 薩學天

卽 墨 縣 知 縣 孫鑄文

卽 墨 縣 知 縣 王純

採輯

掖 縣 儒 學 教 諭 焦宏年

掖 縣 儒 學 訓 導 張肅雝

平 度 州 儒 學 正 張之鉅

昌 邑 縣 儒 學 教 諭 連科

濰 縣 儒 學 教 諭 王大壯

膠 州 儒 學 正 郭士泰

膠 州 儒 學 訓 導 焦應年

高 密 縣 儒 學 教 諭 李奕烈

高 密 縣 儒 學 訓 導 楊嵩年

卽 墨 縣 儒 學 訓 導 趙叔概

校閱

卽 墨 縣 副 榜 貢 生 馮文烱

分校

掖縣 儒學 生員 王紳

掖縣 儒學 生員 楊來

掖縣 儒學 生員 張學禮

訂誤

沿革東萊郡舊志稱南北朝劉宋改隸青州按東萊自漢迄

晉皆隸青州非劉宋時又從別州改隸也惟晉為東萊國

其時仍改為郡耳

山川孤山凡山雷鼓山兩志俱稱在濰縣今據青州府志孤

山凡山在昌樂境內雷鼓山在諸城境內細按地界亦與

濰不屬第緣濰邑形勝載有孤山晚照一景凡山為大于

河發源雷鼓山為白狼河發源遂並列三山之名殊嫌附

會

古蹟燕臺在府城北相傳南燕慕容德所築舊志云考南燕

慕容德居廣固今陝西成固縣不知何以築此或是遼東慕容廆耳按方輿勝覽廣固城爲曹疑所築有大澗甚廣依以爲固因名廣固卽今青州府益都縣綱目隆安三年南燕王德陷廣固渤海太守封孚出降德曰孤得青州不爲喜喜得卿耳又通鑑載劉裕破德子超兵於臨朐遂圍廣固後裕旣擒超廢廣固別築東陽城留羊穆之爲青州刺史據青州府志廣固廢城在府城西北八里堯山之陽若陝西成固何由在青州部中耶居陝西者乃西燕慕容冲非德也又考慕容廆王遼之時青州正曹疑所據何緣越海築臺駁語遂無一合

封建舊志視前較詳然其中尙有考載未的者如劇原侯錯劇魁侯黑平的侯強臨朐侯農輒侯息樂望侯光羊石侯回石鄉侯理新城侯根上鄉侯歛樂陽侯獲成鄉侯安平望侯毅斟鄉侯威考前後漢書皆北海齊郡屬邑其時與東萊並爲郡國未嘗食采於萊不應撫入又如婁敬王成封關內侯薛祿封陽武侯尤與萊郡封爵無涉也

陵墓栢欄將軍墓舊志載入高密按傳將軍膠西人有遺祠在膠州名勝志云山東膠州有栢欄將軍廟據州志墓在州治北三十里栢欄社而密志不書其爲誤載無疑又華蓋真人墓兩志俱稱唐人引杜詩爲証而仙釋又載五代

時人前後互異皆臆說也按卽墨高真宮前碑碣尙存稱  
爲元人考金史仙釋甄棲真初訪道於牢山華蓋先生則  
真人道行於金而卒於元當爲近之

宦業舊志鄭道昭傳後云考魏齊時改東萊郡爲光州按北  
史乃以光州領東萊郡

人物兩志俱有訛舛處有本非萊人而誤列者如劉寵牟平  
人今登之寧海州管寧邴原朱虛人今青之臨朐陳皓東  
淮澤人今江西之都昌有先本萊人而占籍他郡者如臨  
淄之晏謨婺州之呂祖謙德州之程紹業有載之列傳而  
僅書官闕一行者如五代之呂夢奇宋之王俊民至流寓

九屬混載如伯夷居昌樂之山趙岐隱安邱之市仲連之  
逃第稱海上田橫居島本屬故土王烈太史慈皆避亂遼  
東劉休賓以下數人或徙居或占籍均未可以流寓概之  
若毛鏞乃掖進士官於膠占籍平度始終皆萊人而列之  
流寓尤亡謂也

藝文歐文忠所撰蔡公行狀舊志改名曰傳而點竄其文最  
大是支離如改契丹爲大遼尤不妥永叔宋人也文中安得  
有大遼字末雖節去謹狀二字而結束數語仍不類傳體  
毋乃多此一番膠轕其餘詩文刪改處甚多顏介云觀天  
下書未遍何敢妄下雌黃真篤論也

祥異宋寧宗條兩志皆書鹵犯光州按光州元魏皇興中置  
隋初罷郡仍改爲萊州歷唐及宋並未更置此仍書光州  
者誤  
大事記就一郡而言舊志槩以通省事入之殊乖體例至蠲  
免天下錢糧之數史冊自能大書之奚必繫之萊志耶

萊州府志目錄

卷一

星野

沿革

疆域

形勢

山川  
海運膠萊河附

古蹟

卷二

城池

公廨

鄉社

風俗

物產

市集

橋梁

堤堰

卷三

賦課雜  
稅附

倉儲

郵養

卷四

學校  
學田社學  
書院附

祀典

卷五

兵防  
武職  
附

驛遞

卷六

封建

職官



卷七

選舉 武科將  
材附

卷八

封廕

坊表

陵墓

寺觀

卷九

官蹟

卷十

人物上

卷十一

人物中

卷十二

人物下

卷十三

藝文上

卷十四

藝文中

卷十五

藝文下

卷十六

大事記

祥異

雜記

人壽

卷十二

人壽

卷十一

人壽

萊州府志卷之十一

星野

哈佛大學  
圖書館  
珍藏印

列宿分野見於周禮左傳甘石諸書其間亦有不可曉者如  
吳越南而星紀在丑齊東而玄枵在子魯東而降婁在戌秦  
西而鶉首在未趙北而大梁在酉方位都參差不合先儒亦  
率迄無定論惟唐一行有山河兩界之說度為近之然天道微  
渺恐終非推測所能盡耳

按東萊之域為青為徐其國為齊為魯其星為虛為危為婁為  
胃其次為玄枵為降婁其宮為寶瓶為白羊其辰在子在戌其  
律中黃鐘中無射其失次有應脩載天文諸書不具載

女虛危在子危枵之次齊分野

晉天文志曰北海入虛九度東萊入危九度唐天文志曰虛危立枵也今考萊州屬邑曰掖曰濰曰昌邑其分野爲齊隸

青州

奎婁胃在戌降婁之次魯分野

晉天文志曰高密入婁六度城陽入婁九度膠東入胃一度唐天文志曰奎婁降婁也今考萊州屬邑曰高密曰膠曰平度曰卽墨其分野爲魯隸徐州

宋兩朝天文志曰虛二星距南星去極一百度半危三星距南星去極九十六度婁三星距中星去極七十五度半胃三

星距西南星去極六十七度半

沿革

滄州

不其

滄州

萊自三代以來夷於夏國於周郡於秦漢自時厥後屹然為東方巨鎮矣顧累朝之稱名不一旁邑之隸屬無常溯其沿革源流表而出之庶令好古者無滋聚訟焉

萊州府沿革表

北海

當麻

都昌

淳于

總部

郡國州府

州縣

安曲

唐虞青

齊魯

武

下

密

夏國青

齊魯

武

下

密

商周青

齊魯

武

下

密

春秋齊

萊十濰

齊魯

武

下

密

萊州府志

卷一 沿革

密 淳于

鄆 介州

戰國齊

秦

漢 青州部

齊郡東境

東萊郡

當利

掖 平度 曲成

北海郡

淳于 平壽 都昌

膠東國

卽墨 下密 壯武

高密國

高密 夷安

徐州部

瑯邪郡

不其 掖 黔陬

後漢青州部

東萊郡

長廣

計斤 高陽 皐虞

曲成 掖 當利

北海國

長廣 黔陬 不其

平壽 都昌 淳于

高密 夷安 膠東

卽墨 壯武 下密

掖 當利 曲成

平壽 下密 膠東 卽墨

晉 青州部

東萊國

濟南郡

城陽郡

淳于

高密

壯武

北海郡

都昌

黔陬

夷安

長廣郡

不其

長廣

南宋青州部

東萊郡

曲成

掖

當利

北海郡

都昌

膠東

即墨

高密郡

黔陬

淳于

高密

長廣郡

不其

長廣

夷安

北魏青州部

北海郡

下密

都昌

平壽

光州部

東萊郡

掖

曲成

長廣郡

即墨

不其

當利

平昌郡

淳于

高密郡

高密

黔陬

夷安

隋青州部

東萊郡

掖

膠水

即墨

北海郡

都昌

北海

下密

高密郡

高密

膠西

唐 河南道 萊州東萊郡 掖 膠水 卽墨

青州北海郡 北海

密州高密郡 高密

宋 京東東路 萊州 掖 膠水 卽墨

密州 高密 膠西

金 山東東路 萊州 掖 卽墨 膠水

密州 高密 膠西

元 山東東西道 掖 膠水

般陽路總管府 萊州 掖 膠水

益都路總管府 濰州 北海 昌邑

膠州 高密 膠西

卽墨

明 山東布政司 萊州府 掖 平度州 濰

昌邑 膠州 高密

卽墨

國朝 山東省 萊州府 掖 平度州 濰

昌邑 膠州 高密

卽墨

禹貢青州之域古萊葵地春秋時為萊子介州諸小國齊侯

齊侯

禹貢青州之域古萊葵地春秋時為萊子介州諸小國齊侯

遷萊子于郟在國之東始稱東萊戰國屬齊秦爲齊郡東境  
漢析置東萊郡治掖縣隸青州其餘地分屬北海膠東高密  
諸郡國及徐州之瑯邪郡東漢徙治黃縣大畧相因惟省膠  
東高密入北海國而以瑯邪之黔陬不其改屬東萊郡晉爲  
東萊國復治於掖及濟南城陽長廣諸郡皆隸青州南北朝  
劉宋仍改爲郡徙治曲成元魏皇興中分青州置光膠二州  
以北海郡隸於青東萊長廣平昌三郡隸於光高密一郡隸  
於膠東萊郡治於掖隋初罷郡改光州爲萊州大業初廢州  
爲郡曰北海曰東萊曰高密仍隸於青州唐因之爲萊州東  
萊郡青州北海郡密州高密郡而總屬於河南道宋爲萊州

密三州屬京東東路金於州置定海軍後廢定海仍爲州屬  
益都府山東東路元初屬益都路元統五年屬淄萊路至元  
二年屬般陽益都二路明洪武元年陞萊州爲府隸山東行  
省領登州寧海二州掖萊陽招遠文登膠水棲霞黃福山八  
縣六年割登州及所屬棲霞黃福三縣直隸行省留膠水屬  
萊九年陞登州爲府割萊陽招遠寧海州文登以屬登乃割  
青州昌邑濰州膠州卽墨高密以益萊始降濰州爲縣十九  
年又陞膠水爲平度州以昌邑濰二縣爲屬凡領州二縣五  
隸山東等處承宣布政使司

國朝屬山東省領州二縣五



掖縣沿革表

北魏	光州部	東萊郡	掖	曲成	當利
南宋	青州部	東萊郡	掖	曲成	當利
晉	青州部	東萊國	掖	當利	曲成
後漢	青州部	東萊郡	掖	曲成	當利
漢	青州部	東萊郡	掖	曲成	當利
秦		齊郡東境			
戰國	齊				
春秋	齊 萊				
總部		郡國州府		州縣	

隋	青州部	東萊郡	掖		
唐	河南	萊州東萊郡	掖		
宋	京東東路	萊州	掖		
金	山東東路	萊州	掖		
元	山東東西道	般陽路總管府	掖		
明	山東布政司	萊州府	掖		
國朝	山東省	萊州府	掖		

夏寒泥封子澆為過國漢置掖縣為東萊郡治以掖水出縣東南寒同山故名東漢徙郡治於黃掖為屬縣晉為東萊國都南北朝劉宋屬東萊郡元魏復為郡治置光州轄之取境

內光水為名北齊以曲成當利二縣省入隋改為東萊郡治  
 唐宋金萊州與東萊郡迭更皆以為倚郭元亦為萊州倚郭  
 明洪武初陞萊州為府仍附郭

國朝屬萊州府附郭

平度州沿革表

漢	青州部	東萊郡	
秦		齊郡東境	
戰國齊			
春秋齊	萊		
總部		郡國州府	州縣

後漢

晉 青州部

南宋 青州部

北魏 青州部

齊 青州部

周 青州部

隋 青州部

唐 河南道

膠東侯國

北海國

濟南郡

北海郡

北海郡

長廣郡

長廣郡

萊州

東萊郡

萊州

平度

膠東

膠東

膠東

膠東

長廣

長廣

膠水

膠水

膠水

膠東

東萊郡 膠水

宋 京東東路 萊州 膠水

金 山東東路 萊州 膠水

元 山東東西道 般陽路總管府 膠水

明 山東布政司 登州 膠水

萊州府 平度州

國朝山東省 萊州府 平度州

春秋萊子國地戰國屬齊漢置平度縣屬東萊郡後改置膠東侯國以境西有膠水故名東漢為膠東縣屬北海國晉屬濟南郡南北朝劉宋屬北海郡元魏因之齊廢膠東入長廣

縣屬長廣郡後周徙郡治於長廣縣隋開皇三年郡廢改屬

萊州仁壽元年改長廣為膠水縣大業三年復屬東萊郡唐

武德初析置膠東縣皆屬萊州貞觀元年省膠東入天寶元

年復屬東萊郡宋金皆屬萊州元屬登州隸般陽路明洪武

初亦為膠水縣屬登州九年陞登州為府仍留縣隸萊州府

二十一年復陞為平度州屬萊州府領縣二濰昌邑

國朝屬萊州府

昌邑縣沿革表

總部

郡國州府

州縣

春秋齊 鄆 密

戰國齊			都昌	芙蓉
秦		齊郡東境		
漢	青州部	北海郡	都昌	
後漢	青州部	北海國	都昌	
晉	青州部	齊郡	都昌	
南宋	青州部	北海郡	都昌	
北魏	青州部	北海郡	都昌	
後齊	青州部	高陽郡	都昌	
隋	青州部	北海郡	都昌	

唐	河南道	青州北海郡	北海
宋	京東東路	濰州	昌邑
金	山東東路	濰州	昌邑
元	山東東西道	益都路總管府	昌邑
明	山東布政司	萊州府	平度州領昌邑
國朝	山東省	萊州府	昌邑縣

周郟城左傳莊公元年齊師遷紀于郟城即此在齊為都昌  
又地名芙蓉景公以封晏平仲而不受齊七十二城之一漢  
置都昌縣屬北海郡東漢改郡為國縣仍為屬晉屬齊郡後  
屬北海郡南北朝劉宋為北海郡治元魏因之後齊改屬高

陽郡隋開皇初罷高陽爲濰州都昌屬如故大業二年州廢  
 復改屬北海郡唐廢入北海縣屬青州北海郡宋建隆三年  
 復置始改名昌邑屬北海軍乾德三年軍陞爲濰州縣仍爲  
 屬金元因之明洪武初隨州屬青州府九年改屬萊州府三  
 十一年改屬平度州隨州屬府如故

國朝屬萊州府

濰縣沿革表

總部

郡國州府

州縣

春秋齊 濰

戰國齊

秦	漢	後漢	晉	宋	北魏	後齊	隋	唐
青州部	青州部	北海郡	濟南郡	北海郡	北海郡	高陽郡	青州部	河南道
齊郡	北海郡	膠東國	北海郡	北海郡	北海郡	北海郡	北海郡	青州郡
	平壽	下密	平壽	平壽	平壽	平壽	平壽	北海

宋 京東東路

濰州

北海

金 山東東路

濰州

北海

元 山東東西道

益都路總管府

濰州 北海

明 山東布政司

萊州府

平度州領濰縣

國朝 山東省

萊州府

濰縣

列國屬齊秦屬齊郡漢屬青州為北海郡附郭平壽膠東國  
 下密二縣地東漢併膠東入北海國二縣俱屬晉改屬濟南  
 郡南北朝劉宋復屬北海郡元魏徙郡治平壽下密為屬後  
 齊改郡曰高陽亦治平壽隋開皇初廢高陽郡省平壽入下  
 密六年於魏膠東故城置濰水縣十六年於下密置濰州大

業初州廢改下密為北海改濰水為下密俱屬為北海郡唐  
 武德二年復以北海下密屬濰州八年州廢省下密入北海  
 縣屬河南道青州北海郡宋建隆三年於縣置北海軍置昌  
 邑縣隸之乾德三年陞為濰州領北海屬京東東路金復置  
 濰州領北海轄於山東東路元至元三年省昌樂入北海至  
 正間復置昌樂領縣三隸益都路明洪武元年省北海為濰  
 州領昌邑縣屬青州府九年降州為縣改隸萊州府二十一  
 年隸平度州

國朝屬萊州府

膠州沿革表

總部	郡國州府	州縣
春秋齊介		
戰國齊	齊郡東境	
秦	瑯邪郡	黔陬
漢	瑯邪郡	黔陬
後漢	東萊郡	黔陬
晉	城陽郡	黔陬
南宋	高密郡	黔陬
北魏	高密郡	黔陬
隋	高密郡	膠西

唐	河南道	密州高密郡	高密	板橋鎮
宋	京東東路	密州	高密	膠西
金	山東東路	密州	膠西	臨海軍
元	山東東西道	益都路總管府	膠州	膠西
明	山東布政司	萊州府	膠州	膠西
國朝	山東省	萊州府	膠州	膠西

春秋為介國戰國屬齊漢置黔陬縣屬徐州部瑯邪郡文帝分齊置膠西王國尋復為縣屬瑯邪如故東漢為侯國屬東萊郡晉屬城陽郡南北朝劉宋為高密郡治元魏永安二年始置膠州以境內膠水為名領高密郡黔陬縣屬隋開皇五

年高密郡廢改膠州為密州以統縣十六年析置膠西縣大  
 業初以黔陬省入膠西尋改州為高密郡統之唐改密州為  
 高密郡屬河南道武德六年省膠西入高密以其地為板橋  
 鎮宋元祐三年以板橋鎮復置膠西縣兼置臨海軍屬京東  
 東路密州金因之元至元二十二年於膠西縣置膠州領之  
 隸益都路領縣三膠西即墨高密明洪武初省膠西為州屬  
 青州府九年改屬萊州府領縣二高密即墨  
 國朝屬萊州府  
 高密縣沿革表

總部  
 郡國州府  
 州縣

春秋齊	淳于國	高密
戰國齊	齊郡東境	
漢	北海郡	淳于
	高密國	高密 夷安
	瑯邪郡	高陽
後漢	北海郡	淳于 高密 夷安
晉	青州部	淳于 高密 夷安
南宋	青州部	淳于 高密 夷安
北魏	膠州部	淳于 高密 夷安

沿革



隋 青州部 高密郡 高密

唐 河南道 密州高密郡 高密

宋 京東東路 密州 高密

金 山東東路 密州 高密

元 山東東西道 益都路總管府膠州 高密

明 山東布政司 萊州府 膠州領高密

國朝 山東省 萊州府 高密縣

齊景公封晏嬰食邑春秋為淳于公遷國戰國為齊地秦為齊郡漢初仍為淳于屬北海郡尋以境內密水置高密又置夷安屬齊國文帝十六年分封為膠西王國宣帝本始元年

更為高密國東漢國除屬北海郡今濰縣晉割屬城陽郡南北朝劉宋太始初屬高密郡今膠州元魏因之為郡治後齊省夷安淳于二縣入隋復為高密郡縣仍屬焉後廢唐武德三年復置屬密州六年省膠西縣入而徙縣治夷安故城宋屬密州金因之元屬膠州明因之

國朝屬萊州府 即墨縣沿革表

總部 郡國州府 州縣

春秋齊

戰國齊 即墨

秦	齊郡東境	卽墨		
漢	青州部	膠東國	卽墨	壯武
	徐州部	瑯邪郡	不其	皋虞
後漢	青州部	東萊郡	不其	
		北海國	卽墨	壯武
晉	青州部	濟南郡	卽墨	
		城陽郡	壯武	
		長廣郡	不其	
		北海郡	卽墨	
南宋	青州部	長廣郡	不其	

疆域

萊地負山阻海晉書稱為四塞之國顧州縣割隸代各不同  
 今按其疆域廣輪之數不足千里於齊猶中郡也然風流令  
 行朝野之正如下高屋而建旣水蒞茲土者撫輿圖而思惠  
 一其疆域長之不及乎

萊州府城東西廣三百六十里南北表四百四十里東至登州  
 府萊州縣界一百八十里西至青州府昌樂縣界二百六十  
 里南至青州府諸城縣界三百五十七里北至海九十里自  
 本府驛路至山東省城七百里至京師一千六百里  
 萊州之附郭東至登州府黃縣界八十里西至平度州界六

里南至平度州界五十里北至海九十里

平度州城在府南一百里東至萊陽縣界七十七里西至昌邑

縣界七十八里南至膠州界七十里北至掖縣界五十里

昌邑縣城在平度州西北一百三十八里東至平度州界六十

里西至濰縣界四十里南至高密縣界一百二十里北至海

五十里

縣城在平度州西一百八十里東至昌邑縣界六十里西至

府 樂縣界二十五里南至青州府安邱縣界六十里

海九十里

里東至即墨縣界三十里南至高密

縣界二十五里南至青州府諸城縣界七十里北至平度州

界五十里

高密縣城在膠州西北五十里東至膠州界三十里西至安邱

縣界七十里南至諸城縣界六十里北至平度州界四十里

即墨縣城在膠州東一百里東至海一百二十里西至膠州界

七十里南至海九十里北至平度州界八十里

設險著於易象司險載在周官表裏山河實足壯郡國之勢  
豈得執在德不在險為定論乎萊雖山左僻郡而巉岩幽阻  
溟渤汪洋形勢為東邦之冠戚繼光稱為內屏青齊外控遼  
碣不虛也夫

萊州府 四塞之國負海之饒 晉書 土踈水濶山高海深 袁宇

記 山為勞澤名峯本大東小東之巨障水有膠萊故瀆乃南

海北海之通津淮子飛檣百貨遠通吳會下營挂席千艘直

抵幽燕在省會為臂指之聯於輓輸有肘腋之用 通志 負海

瀉鹵其地瘠薄蠶穀少人民寡 元志 羅山亘其東濰水阻其

西神山距其南渤海枕其北 前通志

掖縣一商山作阻負海為雄萊墟式廓於齊封夜邑夙標於漢

縣 通志 福山臨乎東海掖水接乎南陽 前通志 西有杲河之

阻北有山峯之秀 前志

平度州一大澤羣峰之拱峙沽尤二水之廻環貫地脊於登青

判河流於膠掖 通志 大澤羣峰雄峙其北沽尤二水環繞乎

南 前通志 沽尤距其東膠水帶其南西臨新河川原平曠北

據萊山峰巒拱揖三齊之左隱然一重鎮也 前志

昌邑縣 虎山鳳阜鬱鬱環城膠水濰川溶溶入海車馬會青

萊之道檣帆通遼碣之津 通志 青陸諸山接乎南膠濰眾水

經其北 前通志 南枕峽山北臨瀚海岡嶺環抱羣峰屹立三

齊之巨邑海隅之咽喉 前志

濰縣 居白狼丹水之中風泱泱而表海在塔嶺程符之北雲

靄靄以連山 通志 孤山峙其西南丹河維其左右 前通志 東

襟白狼西帶丹水南挹塏山之秀北臨渤海之淵首陽程符

環峙左右野曠土腴北海之重鎮也 邑志

膠州 北瀕膠河達漕艦於燕薊南凌滄海通商舶於吳閩星

羅列堠之巖壁立長城之險 通志 南接珠山北環膠水 前通

志 大海環其東靈山峙其南西有鐵櫬之秀南有石耳之奇

四山圍繞地曠水清 州志

高密縣 五龍九穴水澤澄浚礪阜羊山林巒秀蔚 通志 九穴

五龍之抱流青山礪阜之壘嶂 前通志 東環膠河西阻濰水

南挹峻嶺北障古城 邑志

卽墨縣 勞山埒級於岱宗墨水匯流於滄海齊封傑壤漢密

巖城 通志 勞山勢壓乎岱宗墨水會歸於滄海 前通志 東腋

海岱南面華樓西襟高嶺北負靈山田單敗燕藉此險阻 邑志

志

山川

傳曰山林藪澤足以儲財用則寶之萊郡多高山大川樵蘇  
佃漁民既享其利而其峰巒之巖業島嶼之濼洞又令探幽  
者攬其勝槩往往徘徊不忍去洵所稱瀕海名區也哉雖然  
郭堯京有言志山水如志人物記其魁磊餘可畧也余故採  
其大者志於篇

掖縣

祿山 城西北五里峯嶺高峻北臨滄海 福山 在城西南與雄

山城 東七里 優游山 城西二十五里 高望山 城南十五里其 華架

山 在高望山稍東一名文峰 大基山 城東二十里上有道士谷巖嶠蒼翠

鄭文公修真寒同山 城東南十五里掖水出此俗名神山有

於此詳古蹟 靈官琢神伽石像四十九 雙山城東十里馬鞍山城東南三十

山陰有姑洞亦鐫石像 於此其相連者別黃山 城南四十里崗山城東四單山城北

名金山軍山士山 產白石如玉 崗山十里 掖河在城東

而西北入於海 蘇郭河 城東北二十里自石橋上官河

二十里自蘇郭社 小沽河 城東南五十里經流 夏邱舖河

發源上官社入海 城東北三十里兩岸流沙長 杲村河 城西

四十里由萬歲河 城東北三百里俗名為萬河詳古蹟

沙入海 里白諸馬社發 白沙河 城南三十里西 青龍泉 城東門外與

源西北流入海 清冽 五龍泉 城西三里泉匯為池半畝許可溉 田每旱禱

味佳 井城東北十里石穴下 井口如輪無駢琢痕

平度州

兩髻山 州東北十三里兩山對峙如縮雙髻有雲 石屋山 州

十二里上固山 山東十五里山甚險峻山下有桃源洞與 公沙

有石屋 州北十八里漢 文武山 州西十八里小豁山 州北二十里與

山 公沙穆故居 驛大豁山 州北二十五里有魯 渣呀山 州東北三十里峯巒

勢聯 蹲狗山 州東北三十里鳳臺山 州北三十里金錢山 州東南三十五

屬 產藥石輿地志金泉山 明堂山 州北四十里齊記云城東有

又名藥 雲山 州北五十里雲氣縵隸境甚靈異 天柱山 州北

石山 絕頂巉峭孤 六曲山 州東五十里上界山 州西北之萊山

立一柱詳古蹟 高望山 州北五十里茶山 州北六十里土人結茅

亦產 青山 州東北六十里下有神靈 墨山 州北六十里石色

此紅山 州東六十里石脈赤色有樹旗窩 落葉山 州東北六十里與青

山三固山 州西七十里又名大澤山 州北七十里群峯聳列

故址昔人避兵之所名曰赤倉巖四圍有湧泉峯瑞雲峰飛

來峯寶案峯摩雲頂金剛崗流雲峽白虎谿望蓮臺邀月臺

聚景臺釣魚臺樓子石柱腰石獅子石錦屏石試劍石蟾蜍

石天耳石天眼石清涼石香積石船石天池甘露泉乳泉天

然泉堯花澗仙人橋西巖觀音堂 魚脊山 州東二里荆坡七里

耳照菴智藏寺皆山之勝也 現河 州東二里源出兩髻山蕭

花傳以為異又名紫荆山 蘇村河 州北三十里源出大谿

塲河 州南十里 白沙河 州東二里 逢家莊河 州西北流

海石河 州西三十里 白河 州南三十里南流 藥石河 州西北流

大澤山山西會藥雲河 州東北五里源出雲山多伏 藥石河

石河北流入海 州東北五里源出雲山多伏 藥石河

州北五十里會沽尤河 州東八十里水有二大沽河源出

沙河北流經平度相合總名沽河經膠州東北六十里即 膠河

皆南流經平度相合總名沽河經膠州東北六十里即 膠河

墨西北六十里兩界入海左傳所謂沽尤以西即此 膠河

膠西北七十八里水經云膠水出黔陬膠山即膠州鐵嶺山

也水色如膠故名齊記云膠水出五弩山亦膠山之別名北

過高密注濼澤與張魯河合白澤北入新河經平度西北 新

至昌邑界北入海元時海運之故道也尚有海倉遺址 新

州西北八十里由膠州東北三十里高密東北四 秦玉河

州西鄧紀河 州西南龍王河 州西四十里以上三河皆 樓溪

州西北三里紫荆山下溪水循 蓮花池 州西北三里泉白石

崖而下中流一石如樓可玩 龍女廟禱雨輒應 龍潭 在大澤山

院其上名曰太泉 聖水池 州東十二里上有 龍潭 在大澤山

密東郡守龍文明禱雨有應又一潭在高 漱玉泉 州西十八

中噴湧如珠味甘色瑩大旱不竭居民資 黑虎泉 在州東北

以灌溉有古碑刻漱玉泉三字已剝落 黑虎泉 在州東北

密東郡守龍文明禱雨有應又一潭在高 漱玉泉 州西十八

中噴湧如珠味甘色瑩大旱不竭居民資 黑虎泉 在州東北

以灌溉有古碑刻漱玉泉三字已剝落 黑虎泉 在州東北

密東郡守龍文明禱雨有應又一潭在高 漱玉泉 州西十八

中噴湧如珠味甘色瑩大旱不竭居民資 黑虎泉 在州東北

以灌溉有古碑刻漱玉泉三字已剝落 黑虎泉 在州東北

密東郡守龍文明禱雨有應又一潭在高 漱玉泉 州西十八

中噴湧如珠味甘色瑩大旱不竭居民資 黑虎泉 在州東北

以灌溉有古碑刻漱玉泉三字已剝落 黑虎泉 在州東北

密東郡守龍文明禱雨有應又一潭在高 漱玉泉 州西十八

中噴湧如珠味甘色瑩大旱不竭居民資 黑虎泉 在州東北

以灌溉有古碑刻漱玉泉三字已剝落 黑虎泉 在州東北

密東郡守龍文明禱雨有應又一潭在高 漱玉泉 州西十八

中噴湧如珠味甘色瑩大旱不竭居民資 黑虎泉 在州東北



咫尺州城四面旋繞冬蘇井州北三十五里水定都渠州南  
夏不涸知州傳霖所鑿極甘列久旱不涸  
膠水 里流入

昌邑縣

東山 縣東二里俗名東京埠上有文青山 縣東南二十五里  
數里上有廟宇甚古 縣南四十里漢封霍光為博陸侯  
每逢會期商旅雲集 陸山 食邑於此故山以陸名唐天寶中  
賜名霍 岫山 縣南八十里 峽山 縣南九十里狀如伏虎上  
侯山 數處皆 石臼山 在陸山之左兩山相映山巔有石曰凡  
可游覽 長流埠 縣南十五里延袤百 密埠 縣東三十里  
埠 縣南三里 塔兒埠 縣南九十里 西巖埠 縣西二里又名西伯  
以煨灰遠 塔兒埠 縣南九十里 西巖埠 縣西二里又名西伯  
近資之 塔兒埠 縣南九十里 西巖埠 縣西二里又名西伯  
埠 縣西北十里 低河 縣西北二十里北流 浮糠河 縣西南  
里許古蹟 低河 縣西北二十里北流 浮糠河 縣西南

濰縣

伏石坑河 縣南八十里源出太 小龍河 縣北二十里入於海  
長河 縣北四十里俗傳宋 芙蓉池 縣西北二十里有蓮子游  
泊縣西北十里載 白龍泉 縣東南二十五里入濰河 飲馬泉 縣  
南三十里俗傳秦始 聖水泉 縣東二十五里俗呼被泉濰為  
皇東遊過此飲馬 池又名聖水池大旱淘之即雨  
有順德 吳兒溝 縣東南二十里下 洩水溝 縣東北二里秋水  
大人祠 吳兒溝 縣東南二十里下 洩水溝 縣東北二里秋水  
洪武間王士儀開溝 鈴鐺溝 縣東南三十五里水  
以洩之又名王老溝 流湍激中產圓石

程符山 縣西南二十里 黃山 縣西南四十里 塢山 縣東南五  
上有明宗翁祠 上有黃仙翁祠

記云山形如塔又名漑源山東白狼河在縣東門外源出諸

丹河發源於此上有寶建德祠東丹河即漑水源出塔山

西南流經城東二十步北流八十東丹河下經縣東關北流

永安漑小子河縣西十里發源柴家西丹河縣西二十里一

為澤縣東北流入白狼河縣東北三十里源出車流

凡山經昌樂西下流寒亭河莊經寒亭八十里入海

溝河縣南三十里源出柳溝南二里許淮河即濰水水經云

山經諸城安邱高密濰縣昌邑環繞三面東北入海漢書濰

作淮故俗呼為淮河韓信伐齊夾濰水而陣囊沙斬龍且即

此渭水溪縣東五十里源出車留莊俗傳太公鹹水泉縣東

里平地湧出味如海水旱禱多應膏潤泉縣東二十五里清

立祠甃池以祀龍神又名龍神泉在縣西南隅永安澤縣東

金羽昌間土人以石甃甜水井在縣西南隅永安澤縣東

之日八魚池禱雨輒應臺底窪縣北五十里俗名菱窪城

又名永安湖周迴甚利水草上積村民賴之

廣多魚鳥蓮浦之利

艾山州南三十五里東西二峯屹然對立如人兩耳土人指

為東西石耳西耳人跡罕到東耳巉巖孤聳旋轉而上

內有神廟古砦石壁可容百人西隅有天澤泉水出石罅大

旱不涸山西南曰陳山樹山七寶山小竹山東南曰白山黃

山旗山鼓山皆蜈蚣山州南三十里小珠山滄漠氣通霄漢雲

此山之附麗也嶺嶺則雨候也其東有朝陽寺寺東峭石突立下出清

嵐覆掩則雨候也其東有朝陽寺寺東峭石突立下出清

泉水極甘美土人品為第一泉齊乘云小珠錯水所出

楓山州西南百一十里山形矗兀高插雲窟峰頂一泉白石

響冷冷侵人膠水發大珠山州南百二十里又名玉泉山壁

源於此又名膠山立萬仞勢壓群峰齊築長城東

止於此又有玉泉寺建自金元石闕為門一泉湧出迸珠吐

幾名曰玉泉由石門折而東有獅子峰亂石嵯峨形狀怪異

與石門松山麓有碧雲庵歲寒亭萬松鬱然濤聲清澈靈山

相對

萊州府志

卷一 山川

五

州南百二十里大海之洋先日而曙先雲而徐山在靈山之  
兩稱靈境焉地多竹木州人樵蘇皆藉於此徐山在靈山之  
市將童男女數封山在州東南薛家島正東十里東南北三  
千會此入海封山在州東南薛家島正東十里東南北三  
歷歷可數遊者于此黃埠嶺州西迴車嶺州西七里雙嶺州  
候日出如蓬萊閣也黃埠嶺州西迴車嶺州西七里雙嶺州  
七里石河州東七里碧溝河州北二十里孝源河州南二  
雙女塚石河南流入海碧溝河州北二十里孝源河州南二  
洋河州南三十里名洋水源雲河州西南五里源出辛置  
出鐵樞山東流入海雲河州西南五里源出辛置  
里河州南三里車家河州南一柘溝河州南二屯河州西二  
碧溝河州西南三十里硯臺河州南一朱陽河州南四十里源出  
水州西南七十里源出九層嶺古名墨水又平度東北墨水出  
墨水南流膠州即墨界縣之北半里馬欄嶺亦出墨水合  
淮涉水南流入乾河在州南百里龍泉州東南六十濯硯泉  
海總一墨水也乾河在州南百里龍泉州東南六十濯硯泉  
州西北七馬蹄泉州東北五里源出石孔狀雙井州西南半  
里詳古蹟馬蹄泉若馬蹄土人引以溉川

東水甚甘列沙井州南門外海灘中大旱不竭神泉井在洪  
今一存一廢沙井大湖不沒今井塌失其處神泉井在洪  
後水尤馬家濠州東南九十里副使王獻議開膠萊新河  
清澈馬家濠鑿石為濠以抵麻灣避淮子口之險有藍田  
開馬家濠記

高密縣

小青山縣西北礪阜山縣西北五十里產王子山縣南五  
十里燈

竿埠縣南二里巒勢峻聳相傳韓信破龍且時懸五龍河縣  
燈其上縣令唐允建靈需候廟為禱雨處

五岐故名張魯河縣東二十五里又名張拒城河縣西三  
即秀水河俗呼秀女河亭口河縣東北五十里渠溝河縣西  
源出王子山入九穴泊海運故道有閘

里洪武間濬荆河縣西五小康河縣東墨水河縣西三高陽  
以殺濰水

河昌邑西二十里發源九穴泊縣西北二都泊縣東北二十里  
內產菱藕上接

州南百二十里大海之洋先日而曙先雲而徐山在靈山之  
兩稱靈境焉地多竹木州人樵蘇皆藉於此徐山在靈山之  
市將童男女數封山在州東南薛家島正東十里東南北三  
千會此入海封山在州東南薛家島正東十里東南北三  
歷歷可數遊者于此黃埠嶺州西迴車嶺州西七里雙嶺州  
候日出如蓬萊閣也黃埠嶺州西迴車嶺州西七里雙嶺州  
七里石河州東七里碧溝河州北二十里孝源河州南二  
雙女塚石河南流入海碧溝河州北二十里孝源河州南二  
洋河州南三十里名洋水源雲河州西南五里源出辛置  
出鐵樞山東流入海雲河州西南五里源出辛置  
里河州南三里車家河州南一柘溝河州南二屯河州西二  
碧溝河州西南三十里硯臺河州南一朱陽河州南四十里源出  
水州西南七十里源出九層嶺古名墨水又平度東北墨水出  
墨水南流膠州即墨界縣之北半里馬欄嶺亦出墨水合  
淮涉水南流入乾河在州南百里龍泉州東南六十濯硯泉  
海總一墨水也乾河在州南百里龍泉州東南六十濯硯泉  
州西北七馬蹄泉州東北五里源出石孔狀雙井州西南半  
里詳古蹟馬蹄泉若馬蹄土人引以溉川

州南百二十里大海之洋先日而曙先雲而徐山在靈山之  
兩稱靈境焉地多竹木州人樵蘇皆藉於此徐山在靈山之  
市將童男女數封山在州東南薛家島正東十里東南北三  
千會此入海封山在州東南薛家島正東十里東南北三  
歷歷可數遊者于此黃埠嶺州西迴車嶺州西七里雙嶺州  
候日出如蓬萊閣也黃埠嶺州西迴車嶺州西七里雙嶺州  
七里石河州東七里碧溝河州北二十里孝源河州南二  
雙女塚石河南流入海碧溝河州北二十里孝源河州南二  
洋河州南三十里名洋水源雲河州西南五里源出辛置  
出鐵樞山東流入海雲河州西南五里源出辛置  
里河州南三里車家河州南一柘溝河州南二屯河州西二  
碧溝河州西南三十里硯臺河州南一朱陽河州南四十里源出  
水州西南七十里源出九層嶺古名墨水又平度東北墨水出  
墨水南流膠州即墨界縣之北半里馬欄嶺亦出墨水合  
淮涉水南流入乾河在州南百里龍泉州東南六十濯硯泉  
海總一墨水也乾河在州南百里龍泉州東南六十濯硯泉  
州西北七馬蹄泉州東北五里源出石孔狀雙井州西南半  
里詳古蹟馬蹄泉若馬蹄土人引以溉川

新河東北脉湖縣北十里五龍膠河諸水俱滙於此週圍流入海百餘里佃漁樵採之利皆賴之名西灤皂

水泉縣西五里嶺之二立泉縣北七十里膠萊河之灘立春西水可染布日泉水東流立秋日泉水西流

俱入膠萊河

即墨縣

鏡容山縣北半里高僅及丈暨石天井山縣東十五里上有

鐵旗山縣東南三十里俗傳馬鞍山縣西二三標山縣東南

里三峯石門山縣東三十里與華樓相峙山劈山縣東南三

秀拔石如門天欲雨雲自門出旗山縣東南三十里與鐵

旗山相近縣西四十里有明堂遺址相傳漢武帝狀如斧劈所建漢志不其祀太乙仙人祠有九此其

一也又東有中祠山天縣南三十里狀如城天柱山縣東三十里

寶山皆有神祠遺址石城山縣南三十里漢鄭元投教於此詳

縣東三十里嶺立不其山縣南二十里漢鄭元投教於此詳據空形勢如

金泰虎為四舍山縣東四十里四峯峻起靈山縣北四十里

馴故名如舍字惟一路可通靈山縣北四十里單山

縣東南五十里狼虎山縣南五青山縣東北五十里錢穀山縣

北五十里其山陡險昔人運錢穀於陰山縣東南八十里上

主以避亂又東北十里有米粟山浮峰山縣南九十里山

減老匙山俗傳高柴女墓父北山浮峰山縣南九十里山

之華樓山縣東南八十里與勞山勞山縣東南六十里濱海

大勞差小者曰小勞二勞相聯高二十五里週八十里齊記

云泰山雖云高不如東海勞又名牢盛山寰宇記秦始皇登

牢盛山望蓬萊是也其上有三標山鶴山寶珠山迎仙峴清

風嶺王喬峴凌煙峴金剛峴虎嘯峯鳳凰峯獅子峯巨峯翠

-5 178 35 915" data-label="Text">

屏巖仙巖碧落巖玉皇洞猶龍洞白龍洞華巖洞明霞洞華

陽洞白雲洞夕陽澗松風口八仙墩玉女盆南天門龍門上

苑聚仙臺黃石宮下清宮上清宮聚仙宮舞旗埠縣東五里

太清宮上宮仙人橋張仙塔僧帽石諸勝詳古蹟

淮涉河在縣南發源石城山西南流經城西一里白沙河縣南

許又北流三里與墨水合復西流入海

四十里發源大勞山西石何頭河在縣西轉而南入海土人

流者曰遠西河其源有二一自龍泉來五道泊河縣東四十里由

縣西北四十里由長直河縣西北四十里由那城河縣西五

泊石橋北泉縣北五里侍郎龍泉縣北二十里泉有二相距

南入海北泉藍章疏以種蓮湯泉縣東三里湯泉縣東北三十里平地

泉湧山南流合渴掘泉詳古蹟湯泉縣東北三十里平地

淮涉河入海湯極玉液泉縣南三里黃石洞中溫泉縣東四十里水溫

人甃池夏月則金液泉縣南四十里甘美不涸

海萊郡兩面距海環掖縣昌邑濰縣界者為北海環即墨膠

州界者為東海北海東接招遠西聯壽光東海北海接海陽

南通諸城其間島嶼參差口岸羅布商船出入魚筏往來咸

假道焉茲取島口之大者錄之而附海運膠萊河議於後

條參三山島掖縣正北六十里海中史記封禪書蜉蚘島掖

西北海中遠望若蜉游故名一名芙蓉島小石島掖縣西北海中每春夏間黃島

膠州東南六十里海中唐島膠州南九十里海中有飲馬池

舊有居民避倭內徙薛家島膠州東南九十里有明陽武侯薛祿古鎮島膠州東

薛家島故里旁小島曰青泥窰林穆子李家古鎮島膠州東

十里石白島膠州南百二陳家島膠州南海中與靈山島居

海中石白島十里海中陳家島膠州南海中與靈山島居

民鷄島牛島顧家島竹槎島小青島以上膠州福島即墨

南五十里海中其旁有積穀香陰島即墨西九十里田橫島

花塔沙嶼山車牛白馬諸小島顏武島即墨北百管島即墨東百

即墨東百里海中齊田橫里海中管島即墨東百

率五百人亡命入海即此赤島徐福島勞公島車公島車門島女島獅

子島白龍島龍口島張牙島青島以上虎頭崖口

掖縣西北三山口掖縣北海倉口掖縣西北小石嘴口海

廟口 王徐口

以上掖縣

下營口

昌邑北六十里

唐家灣口

膠州南門外宋元時海船

往來皆 淮子口

膠州南八十里石礁林立行船最險惟潮長風順可進

守風灣口

膠州東上

里凡船進淮子 古鎮口

膠州西南百四十里

唐島口

宋紹興中李寶敗金舟師於此殺其

將鄭 靈山島口

竹岔口

黃島口

頭營子口

埕埠頭

以上 董家灣口

即墨南九十里

天井灣口

即墨西南六十里

金家口

即墨西南

四十里 宋家店口

即墨南四十里

大任口

即墨西南四十里

陳家芥口

即墨東六十里

徐家莊口

即墨西南七十里

松林浦口

即墨東南七十里

周疇口

即墨東七十里

家灣口

即墨東九十里 栲栳島口

即墨北百十里

顏武島口

即墨東北一百里

青島

即墨東一百里 女姑口

即墨西南五十里

登審口

黃龍莊口

嶸山口

海運膠萊河約

海道經

元至元二十年克取江南二十一年起運海糧擢用

朱清張瑄萬戶之職押運糧船三萬五千石賜立海道萬戶

府千戶所百戶所虎符銅牌素銀牌面各領品職成造船隻

大者不過千石小者三百石自劉家港開船出揚子江盤轉

黃連沙嘴望西北沿沙行使潮長行船潮落拋泊約半月或

一月餘始至淮口經過膠州海門浮山勞山福島等處沿山

一路東至延真島望北行使轉過成山望西行使到九洋收

進界河約兩月餘始抵直沽水路艱難深為繁重二十六年

增益糧米八十萬石是歲正月裝糧在船二月開洋四月到

於直沽交卸五月回還復運夏糧至八月又回本港一歲兩  
運是時船隻鮮少人民恐懼二十七年朱萬戶躬請長興李  
福回朝奏押運指引自楊子江開洋落潮往東北行使出離  
長灘至白水綠水經至黑水大洋望北尋望延真島使轉成  
山正西行使流入沙門島開放萊州大洋收進界河遠不過  
一月之期近不過半月之限俱至直沽以漕運利便是歲加  
封朱萬戶爲浙江省叅政張萬戶爲浙江鹽運司都運之職  
每歲專從此道駕使船赴北京將及二十餘年大德七年當  
蒙官司招雇兩浙上戶造船運糧分撥春夏二運延祐以來  
各運海船大者八九千石小者二千餘石是以海道寓盛歲

運三百六十萬石供給京師甚爲易便迤南番海船皆從此  
道貢獻倣效其路矣明洪武三十年海運糧七十萬石給遼  
東軍餉永樂初海運糧七十萬石至北京十三年會通河開  
往來通利始罷海運云

海運正道 第一程自淮安府開船至八套口共計三百餘里  
係河道爲一程 第二程自八套口開船至鶯遊山共約二  
百四十里 第三程自鶯遊門起東北遠望瑯琊山前投齋  
堂島灣泊約四百里爲一大程島西向泥灘三里可容船百  
餘隻如船多島東北三十里有龍灣口可泊船二百餘隻中  
間所過水面東北濤落口約一百九十里又至夾倉口二十

里迴避望海石又東至石曰海口三十里迴避石曰欄胡家  
欄伏曲堯花欄又東至龍王口四十餘里迴避黃石欄又東  
至龍潭二十里可容船百餘隻又東至木瓜島二十餘里迴  
避胡家山以上堪灣泊海口五處應迴避七處俱用西南風  
迴避西北風 第四程自齋堂島等處開船正東由膠州靈  
山島東北遠望勞山前投福島灣泊共約二百餘里為一大  
程此島方圓二十里西南有泥灘二里半可灣船六十隻如  
船多島迤西五十里董家灣濶大堪灣船三百餘隻中間所  
過水面東四十里回古鎮海口迴避海子嘴又東至靈山島  
五十里島西南嘴可容船二十隻迴避東北正東風島東北

鼓樓圈可容船十餘隻迴避正北西北風此處雖可容船不  
宜久住東北至唐島六十里可灣船二百餘隻避東風東北  
正北風迴避露明石卽淮子口又東至小青島五十里避正  
北東北風又至董家灣六十里迴避捉馬嘴以上堪灣泊海  
口五處應迴避三處俱用西南風避西北正北東北風 第  
五程自福島開船東二十里迴避老君石遠望田橫島灣泊  
約一百五十里此島方圓三十里可容船二百餘隻如船多  
島東七十里有濶落灣可容船二百餘隻中間所過水面東  
北由小管島六十里又東大管島十里又東至田橫島七十  
里以上堪灣泊二處迴避一處 第六程自田橫島開船遠



望槎山前投元真島灣泊共約四百餘里島東西長五十里  
遇北風灣南面遇東風灣北面可容船百餘隻東北岸下水  
底三孤石旁多隱石該迴避中間所過水面東十二里濶落  
灣又東至楊家溝三十里又東至草島嘴三十里又東至青  
島三十里又東至黃島三十里又東北至宮家島三十里又  
東徑過蘇島至元真島一百五十里以上灣泊六處迴避三  
處 第七程自元真島開船稍放洋行東轉杵島嘴北過成  
山頭西北望威海山前投劉公島灣泊一百四十餘里此島  
可容船六七十隻中間所過水面東至鎮鄒島西頭李家圈  
三十里又東三里鹿島又東十五里又西北四十餘里養魚

池又東北二十餘里黃埠嘴又東南一里迴避成山頭又南  
七八里迴避殿東頭此二處極險須放洋遠避過此轉西三  
十餘里駱駝口圈裏東岸下可容船七八十隻又西三里李  
叢嘴可容船二三十隻又西十五里柳芥海口避西北東北  
風又西直至劉公島一百里迴避島東南礁石嘴又西四十  
里衛東門口教場頭塢口可灣船四百餘隻避西北風以上  
灣泊四處迴避三處 第八程自劉公島開船遠望芝罘島  
灣泊共約二百餘里島東南長二十里可容船一百餘隻島  
迤東三十餘里崆峒島前可容船二三十隻中間所過水面  
迤西一百四十里養馬島避西北風又島西頭迴避煉石嘴

又西北五十里係崆峒島又西三十里係芝罘島以上灣泊  
三處迴避一處 第九程自芝罘島開船西六十里過龍洞  
直西遠望長山島西頭沙門島灣泊共約一百八十里爲一  
大程島東南汪厓圍二三里可容船一百餘隻避西北東北  
正北風中間所過水面西六十里八角嘴又西五里迴避龍  
洞嘴又西五十里迴避四石又一二里迴避劉家汪海口避四  
向風又西二十里迴避灣子口東北沙港又西二十里迴避  
抹直口金嘴礁石又西三里入新河海口卽登州水城迴避  
觀音嘴石西北四十里迴避長山島東南嘴沙港又西十里  
係沙門島以上灣泊三處迴避六處 第十程自沙門島開

船西南遠望三山島灣泊約二百餘里爲一大程中間所過  
水面南三十里迴避大石欄又西六十里桑島避東北西北  
正北風迴避島東北二處礁石又西避羊欄礁石又西十五  
里係三山島以上灣泊二處迴避四處 第十一程自三山  
島開船過芙蓉島直西投大青海口灣泊共約四百餘里此  
口可容船五十餘隻中間所過水面西五十餘里芙蓉島西  
南面可容船四五十隻西五十餘里迴避虎頭崖與東北碎  
石又西五十餘里迴避海倉口椿木閘石又西一百一十里  
係洱河口外有沙嶺船難進又西四十餘里係小清河船難  
進泊以上灣泊二處迴避三處還有三處小河口俱不堪灣

泊 第十二程自大清河開船投大沽河口約一百六十里  
此口可容船二百餘隻中間所過西三十里至大沙河口可  
容船一百五十隻迴避沙港一處又西一百二十餘里至大  
溝河口可容船一百餘隻又西北二十餘里至大沽河口以  
上灣泊二處迴避一處

海運程 運船自淮安府青江浦由淮河九十里至安東縣新  
壩九十二里至欄頭山入二十里至安東衛三十里至夾倉  
十八里至舊寨七十里至夏河所二十里至古鎮巡檢司東  
南轉大珠山東北行十五里至靈山衛二十里至馬家濠俱  
可避風沿岸行轉過薛家島西行八十里過淮子口二十里

出海北入麻灣口由丁家工入膠萊河行二百八十二里至

海鹽口入北海十里至淮河口四十五里至魚兒浦十里至

小清河二十里至米河十五里至小清河六十里至九衫巡

檢司百五里至大居河五十里至徐家溝七十里至杞溝一

百里至小直沽一百二十里至丁字沽出海入大直沽河計

海運南自清江浦北至大直沽河共一千六百八十二里

開洋捷路 一自金山衛東海灘松江府上海縣望東南行過

羊山大七山小七山太倉寶塔望東北行兩日夜見黑水洋

南風一日見綠水瞭海內懸山一座便是元直島 一劉家

港出楊子江南岸迤西行半日到白茆港正東行至崇明縣

江北有瞭角嘴開洋或正西西南北風潮落正東或帶北一字行半日可過長灘是白水洋東北行見綠水一日見黑綠水循黑綠水正北行好風兩日一夜到黑水洋又兩日夜見北洋綠水又一日夜正北望顯神山半日見成山頭過成山正西行前鷄鳴嶼內有浮礁避有夫人嶼不可行須到劉島正西行到芝罘島東北有門可入自芝罘島好風半日過抹直口在登州城東北五里新河海口到沙門島開洋北過砣磯山東收旅順口

開馬濠工 元專仰海運以靈山之東浮山勞山北至於成山西至於九臯大洋之險乃議開膠萊新河南自麻灣北至海

倉三百餘里出北海以避之然浮山之西有薛島陳島相接百數十里石礁林立橫據大洋若橋梁然尤爲險阻薛島之西十里許連海涯處有平岡焉曰馬濠者南北幾五里元人嘗鑿之遇石而罷明海防道副使王獻議鑿馬濠以抵麻灣濬新河以出北海則舟楫可通乃相形度勢去元人之舊跡少西七尺許開之其始也土石相半其下則皆石也取彼巨石焚以烈火沃以水潦摧堅破頑化爲灰燼力不告殘形不知疲而石渠成矣蓋經始於嘉靖十六年丁酉正月之二十二日畢於四月二十二日鑿石成渠者一千三百餘步濬南北之灘積三千五百餘步潮汐日至護以木椿其爲濶六丈

餘其爲梁半之海波流入宛若天成地列

開膠萊河工 新河南自麻灣北至海倉其間相距僅三百五十里許麻灣把浪廟去官路口約十四五里水勢甚大而大沽河屬之東入南海漂沙之患亦所不免此處須挽流而北向方成大通第大沽河秋水泛漲極是洶湧恐爲河害北折而王家口約三十里水勢勻停功半事就殊不爲難折而吳家口至孫家口不足二十里水微小奏功頗難然以人力勝之似亦無足慮者十餘里至分水嶺水至此幾絕流然無他故實由二三百壅沙所致日久歲深旣無疏通之力寧免壅闕之患此何足異且白河之水直來急衝漲濤波湧無

乎兩分分而壅闕甚也議者有欲避大沽河由陳家村借壁溝河徑上王家邱船路溝迤西而入大河者未爲無見也西折而亭口等處三十里水亦微小須賴人工挑修沙壅土塞濬之可也崖岸衝潰補之可也迺至大城等處約二十餘里水雖微亦不爲難至雙廟至元家集水勢漸大卽加疏濬費力幾何北至玉皇廟楊家圈張家閘新河其間寬窄淺深不同大勢已成河矣水有一二尺深者有三四尺深者實易爲力縱費人工不過補幫空淺之力耳獨海倉之壅沙從來所苦但沙隨潮出入而船行亦借潮往來况海潮朝夕一定信不爽者沙非堅石何足爲慮至若借潮一說北潮迤南動以

百里計此每年所親見而習知者至若南潮聞亦不下五七  
十里况近數年來夏月水發來之甚早若遲之五六月間尤  
稱大便此寧不可借乎是在主計者貴有定議今計南海至  
北海地里尺丈約五萬四百尺作五大工分派每夫開一尺  
半百日計工共夫三萬三千六百名每日每人工價五分計  
銀一十六萬八千兩杓鑿筐繩價銀九百四十兩三錢九分  
建閘銀九千六百餘兩共計一十七萬八千五百四十兩有  
奇其他立壩撤水須用水車草木之費又當議處計夫一千  
當用千長一百當用百總又五十人必用一大頭須擇廉能  
才幹謹慎有身家者互相保結方爲妥當至若總督河工

須假以重權嚴法督理方能服人乃五十人之工價總付夫  
頭支管其夫之勤惰工之的否責在夫頭百總千總亦然敢  
有作弊尅減夫價奏功不妥者懲以重刑而千長百總夫頭  
工價又須酌而倍增焉勸以勞之所以示恩威也此非有身  
家有根脚者難以當此任而責成功任人者不可不加意於  
此

膠萊河停工考

海運膠州南海麻灣至北海海倉三百餘里

可避大洋二千里之險屢經勘議難開具述於左  
隆慶五  
年奉旨委多官查勘據萊州府知府濟南府同知青州府推  
官掖縣知縣楊起元等揭稱親詣膠州麻灣等處南自龍家

屯北至海倉一帶勘畢龍家屯四里三十步水淺不過三五寸每日潮至不能打壩斷水難施挑濬之工店口三里有大沽河橫冲帶沙淤塞河雖挑深遇沙塞前功盡棄韓家口六里二百四十步俱岡勾沙石此處難徹水不便挑濬趙家口起至杜家口止長十餘里水深一二尺河底俱係岡勾石且有大者若欲深鑿極為費力杜家口至吳家閘三里餘係小沽河口橫冲細沙恐難壩治吳家閘至譚家西南口止共七里其間俱有淤沙岡石其沙皆係白河水帶來譚家西口至分水嶺共九里白河全無接濟旱則先乾澇則冲决窩舖分水嶺至楚家口十里多流沙楚家口至集墓灣五里有餘北

現河口夏秋雨多即有大水帶沙入河冬春乾涸董家莊至陶家莊四里餘內有岡石一遇秋雨泊水湧入無雨則乾河家莊至秦家圖泊水冲開溝口數道雨則泛漲無雨則乾並無泉源引導河底俱有沙石謝家口至玉皇廟十一里至於閘內沙石相半挑濬工費比之他處頗大謝家口至楊家河岸水勢似有端緒說者謂新河可開或觸目於此耳楊家莊至新河閘面比之南面一帶雖似稍寬欲西引濰河但已通濬引之無益况濰河地勢反下難以引入昌邑又居下流所當詳議新河閘至海倉流沙壅滿難以行舟挑濬頗大新河係東省通衢凡經過見者起問此新河議

開之端由於此耳量得濰河韓信壩口河中到東岸高三丈四尺若濬溝徹水必幾四丈迤東間有高阜處所將不止於四丈矣濰水難引委爲的確分水嶺口東南老地周圍開鑿三丈餘土層至岸堅土四尺中層岡石五尺以下四尺俱是鬆軟靡沙旋挑旋墮工役難施兩海通貫必深以六七丈始得兩平寬一十餘丈始免崩岸經費非百餘萬程限非六七年不能成也其功可輕言耶兩海開通尤屬謬論 萬歷三年尙書劉應節言新河自膠南淮子口大港頭出海西抵匡家莊約四十里岡勾黃土宜挑治自劉家莊北折擡頭河張魯河至亭口開約三十里黑泥下地宜挑治自亭口開歷

家涯陳家口孫店口至玉皇廟約六十里河寬水淺宜從舊河旁別開一渠自玉皇廟至楊家園二十餘里水勢漸深約五六尺宜量行疏濬白楊家園以北悉通海潮無煩工矣以功力計之開創者什五通濬者什三量濬者什二以地勢論之濬深丈餘者什一濬深數尺者什九以水圭測之高下有準以錐探之上下皆無石事理甚明可開無疑上以爲然命侍郎徐欽往司撫按官會議試既相視上言匡家莊地高難挑改從黃阜嶺潮仍不通惟都泊爲水滙船路溝有行舟故道上流爲沾膠諸河下流爲張魯諸水庶泉源可濬而河道可成也必爲多建開廣置水櫃築堤岸開月河設倉廩備剝



船計年大挑小挑估費百萬詔旨切責謂杖故以難辭汨壞成事四年二月命應節親往會勘應節曰新河地形如掌水勢成渠視黃阜嶺較便兩海水俱深濶舟亦乘潮無阻南海口迤北十五里有積沙開船路溝十三里直接麻灣以避之橫建一閘於新舊河水之交則潮水長流浮沙不入北海口迤南三里爲龍王廟客沙二里四十五步撈沙二尺下卽實土若旁闢一渠築堤五百餘丈約水障沙自無他患由廟前達新河開口其中一二淺阻並令挑深亦可無虞至王家船路溝一帶地勢趨下白河當其衝秋水暴漲最爲河害官岸口建閘一座上流建壩二座尋常水流壩下引以濟

河秋漲則水經壩上西以浮沙亦爲善變大都自海

亭口南自麻灣抵朱鋪通潮最易所慮者惟朱鋪惠亭口四十餘里耳蓋杖主引泉應節主通潮汐持議不合越月山東巡撫都御史李世達上言潮汐有常大潮一及陳村開楊家圈耳曾未至朱鋪亭口此潮汐難恃也自孫店口至新河口紆曲二百里張魯白膠三水微細都泊行潦業已乾涸引泉亦難恃也且黃河未至遽遷運道尙無大阻又海上多瘟疫之災國帑乏贏餘之積元人開濬此河史臣謂其勞費不貲終無成功足爲前鑒於是御史商爲正給事中光懋王道成等皆競疏請止遂召應節杖還京悉罷諸添設員役嗣是中

書程守訓御史高舉顏思忠尙書陽一魁相繼奏皆不果行  
崇正末山東巡撫都御史曾櫻力請修治給內帑十萬金  
工未舉櫻陞任去河亦終不開 國朝雍正三年八月尙書  
朱軾奏請開山東膠萊河運道

詔內閣學士何國宗會同山東巡撫陳世倌詳看議奏何國宗  
等覆稱陞任吏部尙書朱軾開具膠萊運河節畧內稱嘉靖  
十一年御史方遠宜親歷海濱彙爲圖說上之疏曰淮河之  
北岸一里名支家河安東縣至海州路也自支家河至漣河  
海口共三百八十里旣出漣河口由海道歷贛論至安東  
衛卽山東界由安東衛過石臼所靈山所夏河所遂至膠州

縣頭營入麻灣口共二百八十里俱循海端而行一入麻灣  
口其中止有馬家灣爲陸路此則須以畚鍤開濬然口五里  
而近若得開通卽從把浪廟經平度州以至萊州所屬之海  
倉口俱小河共二百七十里自海倉口入大洋便直抵直沽  
口至天津衛凡泛海只四百里風順半日可達等語該臣等  
會看得淮水出清口與黃河合經安東縣城南東流入海方  
遠宜所稱支家河在淮河北岸固卽黃河之北岸也查安東  
縣誌書載縣西十五里有支家河今已淤塞無迹可尋土人  
亦鮮有知者惟有鹽河二道上自中河之鹽河開分運河之  
餘流至王營壩口分爲二支東爲中鹽河西爲西鹽河至安

東縣北新安鎮合而爲一又東北復分爲二東流爲五丈河  
逕入海北流則會漣河至恬風渡入海現今淮北鹽船由此  
轉運自鹽河閘至恬風渡海口計程三百餘里應卽爲方  
遠宜所稱自支家河至漣河海口之故道也既出漣河口由  
海州歷贛榆縣境至山東安東衛雖係海道而大洋隔於雲  
臺鶯遊諸山之東實與河等自安東衛嵐頭山口始入海程  
經石臼所夏河所靈山衛至淮子口亦俱沿海壩而行自淮  
子口經靈浮兩山之間入麻灣口卽爲膠萊新河浮山之西  
有陳薛二島石礁林立甚爲險阻薛島之西十里許有平崗  
曰馬家濠南北幾五里元人鑿之遇石而罷明嘉靖十六年

海防副使王獻鑿開馬家濠石渠一千三百餘步直抵麻灣  
卽方遠宜所稱馬家灣也一入麻灣由把浪廟經膠州平度  
高密昌邑諸境至掖縣海倉口出海計程二百八十二里中  
分八閘距麻灣口二十里爲陳村閘又北三十里爲吳家口  
閘又三十里爲窩舖閘吳家口窩舖之間地勢最高名分水  
嶺爲南北分流之脊窩舖閘以北二十五里爲亭口閘又三  
十里爲周家閘又三十里爲玉皇廟閘又三十里爲楊家圈  
閘又三十里爲新河閘又三十里爲海倉閘又二十七里至  
海口以上各閘俱創自元人至今沿河仍襲舊名而閘座皆  
湮廢查明時議開膠萊新河其說有二一則欲自分水嶺深

加開竅使河底與海口相平南北河口各建一閘每日潮方  
至時則開閘納潮船可乘潮而入潮將退時則閉閘蓄水船  
可通行而出一則欲自分水嶺開通河渠修復閘座廣引來  
源設立水櫃按啟門蓄洩之法以資輓運二說俱似近理今  
臣等細加測量分水嶺以南比麻灣口高二丈二尺以北比  
新河閘高一丈八尺八寸又將分水嶺試爲開竅雖有岡石  
糜沙尙可挑濬惟是南海口潮水止至陳村閘北海口潮水  
止至新河閘則兩潮之隔不相通者中有二百餘里若欲南  
北通流必須漸次開鑿深至二丈二三尺况朔望大潮深不  
過四五尺餘日小潮深不過三四尺潮落之後僅深一二尺

卽於河口建閘而欲引數尺隨長隨落之水通二百餘里之  
流恐不能濟且麻灣以南水底皆係石塊海倉以北一望壅  
沙故麻灣口海倉口雖可通潮而商船漁艇絕無停泊若欲  
將海口一竝開濬而潮汐日至工力難施此通潮之不足恃  
也再查分水嶺地當水脊所恃爲分水之源者僅平度州之  
白河來源旣微又無泉流可引雨多則水漲噴沙雨少則全  
河乾澁陳村閘下雖有沽尤河會流而其地已近麻灣順流  
南下亦於運道無濟分水嶺北有膠河自膠州之鐵嶽山發  
源流至高密縣東與五龍河張魯河陂水會至亭口閘下入  
新河北流水源稍盛中有百脈湖地勢卑窪周圍百餘里若

束堤蓄水以爲水櫃猶可開引使其南北分行然一河一湖  
又無泉源輸助欲以濟二百八十餘里之運道勢必不能此  
蓄洩之不足恃也考膠萊通運之議創自元人乃開之數年  
而卽罷明時屢試而終不行良亦職此若夫由河達海更造  
船隻以及開挖勞費不貲又其餘事自海倉抵直沽四百里  
大洋風濤之險更難逆覩至於來往商船現惟泊於贛榆縣  
之青口及膠州之淮子口要皆濱海水深之處不肯乘潮深  
入恐致淺擱縱使開通膠河而海口淤淺如故難以通行亦  
於客商無所裨益惟兩岸民田陂水俱藉此河宣洩今撫臣  
孫依陞任平度州州同溫文桂條奏以民力疏濬每人按日  
給米一升已足通流洩水若轉漕通商勢所不能似可無庸  
再議於雍正四年六月奏覆

古蹟

往余在洛陽訪昔賢遺址如香山洛社綠野平泉一一都可  
 指其處未嘗不流連憑弔慨然想見其為人及之萊見秦漢  
 間古蹟尤多而康成之書帶草庸生之濯硯泉鄉先生輒津  
 津樂道之夫乃知山川景物之名實因人重羊太傅峴山數  
 語最足發人深省也

掖縣

過亭寒泥子澆封地今不可考沙邱城縣東北二十里相傳商紂所築秦

還報日已得之於沙邱即此後始皇東巡至海有方士獻不死草服之暴崩於沙邱史稱藏尸輜車載海魚以亂尸氣正其事也或以順德望海臺縣西北二十里秦始皇東巡築蓋石縣北五十里臨大海有盤

石方圓五步世傳秦始皇鑿之以盛酒醴祈百神

三字相傳韓信所幸臺在城南門上武帝訪安期萬里沙祠

在萬歲河漢武帝當利城廢隋復置唐省今遺址尚存燕臺

東巡大旱禱於此在城外東北里許南燕慕容德築鄭文公修道廬在大基山

明副使馮時雍建海山亭於上鄭道昭刻字甚多皆曲

字及亭臺故址金劉雲峰即寒同山鄭道昭刻字甚多皆曲

國樞明胡濙有碑記登瀛亭城東南隅唐府君碑在府治廳事前

臺城在城北唐登瀛亭城東南隅唐府君碑在府治廳事前

立額上大書大唐萊州刺史唐府君德政碑十二字其文俱

八分小字體法精嚴細辨之名貞休惜磨泐僅存五百餘字

楊霧溝縣西北十二里相傳宋太祖飲馬池城東七里俗傳

受宣堂城東南隅道人邱處機修蓮花池縣東南四里元字

水石花木西由文廟縣北五十里元時膠萊運司創

文武山兩山相峙相傳始皇之萊山始皇祀八神於東海此

刻字不攻即墨城州東南六十里齊之舊邑戰國時田單拒

可辨康王樂毅城在即墨故城旁世傳太子書堂州東北五十里

城東王太子讀書處古蓮池州北三里膠東下密城州西五十

有殘碑不可識漢宣帝祠三戶山於下密即康陵院州東五十里膠東康王

此又為賈復封膠東時食邑盧鄉城州西北五十里漢

貧女墓州東南六十里漢王氏女盧鄉城州西北五十里漢

置唐省劈石口在天柱山之西麓一石龕如屋在東刻浮仙

入昌陽屠像一石壁立於西刻天柱山銘於其上

人臺州東北五十里列仙傳膠東公沙宿

昌邑縣

密鄉城 縣東南十五里春秋紀子伯子盟于密即此水經注

漢宣祀三尸山於下密今故城西為濰水東為鄆城縣西北

密埠又東為三尸山則密鄉似即下密城矣 鄆城海濱三十

十里左傳齊師遷紀於甘棠鄉 漢屬北海國左傳襄公六年

鄆即此俗呼為瓦城 甘棠鄉 圍棠即此今縣南八十里有

甘棠 都昌城 縣治西今城乃古城之東南一隅 伯牛埠 縣西

里東有子騫埠今名三埠南有子游池今名蓮花 回馬坡 在

陂並見寰宇記三埠者誌三賢遺跡但未詳所始 山下都昌侯

朱軫閔武處 昌邑故城 在縣西北宋置縣治地里志謂漢景

其地在金鄉縣 四知臺 在城北隅相傳 梳洗臺 縣南五里濰

又一昌邑云 為楊震却金立 梳洗臺 水西岸始建

無鄭公鄉 縣南一百二十里鄭公社漢屬北海郡高 考鄭公鄉

密後改屬昌邑孔融因鄭元居此故名 五里有大小二城相傳

遇仙園 縣東南三十里金武醫將 孔融破黃巾賊屯兵處

李願真舊宅 題真養情 名其園曰歲寒後遇 劉長生過遂題今

濰縣

禹王臺 縣北六十里俗傳 斟亭 縣西南三十里平壽 寒亭 縣

北三十里夏 釣魚臺 縣東南五十里世傳太公釣魚處臺畔

侯伯明氏國 棘皆血磯石尚存上有太公堂今廢地

多瓦 營邱城 縣南三十里太公始封處城基尚 平壽城 縣西

縣隋廢 麓臺 縣西南二十里漢 布袋直儀 在石佛寺蘇軾

工崔白示予布袋直儀其筆清而 尤古妙乃過吳矣手書石刻今存

膠州

介根城 州西南五里左傳齊侯伐營 尤涉亭 州西南計斤城

也 介亭 州南七十里古介國也城名黔陬兩城夾水而立秦

始被城 州西南七十里亦介葛 迴車嶺 州西南十一里孔子

廢 盧之國漢置邑屬瑯琊 適齊東觀於海至此



迴車長城州南九十里齊宣王築乘嶺築長城韓信道州西南二十里

信追田橫於即墨古膠西城在州西一百里漢置邑蓋公堂古膠西城內曹參師

事蓋公避正堂以舍之宋蘇軾守膠西建堂自為一記膠西廢縣州城外隋所置後廢石室州南

山之陽地名麻衣菴晉高濯硯泉漢儒庸生談經濯硯此泉故名

高密縣

朱晏城縣東南三十里涼臺縣西南五十里相傳齊宣王避暑於此夷安城縣北

三十五里古萊夷淳于城縣南六十里城陰城縣西南四十里古高密地

韓信溝縣西五十里信既下齊城望齊龍且城縣西南五十里楚將龍且

所築屯兵稻城縣西南五十里漢武帝封高陽城縣西北三十里漢置

縣成帝封淮陽王孫通德門在稻城旁孔融為鄭元闢門黔

並為高陽侯卽此

陬城縣南六十里故介舊土城縣西北一里相傳卽高密故城唐置

卽墨縣

東海釣臺縣北六十里沾水上舞旗埠相傳田單復不其城

縣西南二十里壯武城縣西六十里漢臯虞城縣東五十里漢

建封粥熟城縣東南八里漢置康成書堂在不其山堂前有

於此粥熟城邑本名汎鄉城

雪逾常霜渴掘泉相傳宋太祖過此渴甚用杖聚仙臺縣南

里相傳八仙渡海圍棋於此每起仙臺縣南七十里相傳有

春至臺草先綠又謂之先春臺道士於此仙去故名

石人在陰山池旁長一丈五尺大十圍旁有馬跡世



